

Hmong - Paab Vaajtsvv Ntawv - Comfort Scriptures

- 2 Kauleethau 1:2-4 Thov Vaajtsvv kws yog peb leej txwv hab peb tug tswv Yexu Kheto foom koob foom moov tsua mej hab paab kuas mej tau nyob kaaj sab quas lug. 3 Peb ca le ua Vaajtsvv kws yog Yexu Kheto leej txwv tsaug. Leej txwv yog tug kws hlub peb hab naj nub paab peb. 4 Txhua zag kws peb muaj kev txom nyem ntxhuv sab mas nwg paab peb, sub peb txha txawj paab cov tuabneeg kws muaj ntaw yaam kev txom nyem ntxhuv sab. Peb paab puab ib yaam le kws Vaajtsvv tub paab peb lug lawm.**
- 1 Vaaj Ntxwv 8:66 Thaus txug nub yim Xalaumoo txha kuas suavdawg nyag rov moog nyag tsev. Thaus puab ncu txug tej koob moov kws Yawmsaub foom tsua vaaj ntxwv Tavi kws yog nwg tug qhev hab foom tsua ib tsoom Yixayee, mas puab qhuas Xalaumoo hab zoo sab luag quas ntxhw rov moog tsev.**
- Paaj Lug 13:12 Thaus plaam lawm sab poob nthaav, kuas thaus tau nkaus yuav luag nyaav.**
- Ntawv Nkauj 4:7 Koj swm ua tuab zoo xaav thoob thoob saib, cov tuabneeg ncaaj nceeg yeej tsw muaj ib tug raug kev puam tsuaj le.**
- Ntawv Nkauj 13:5 Kuv ca sab tsua koj txujkev hlub kws muaj tsw tu. Kuv yuav zoo sab vem koj yuav paab kuas kuv dim kev pluj kev tuag.**
- Ntawv Nkauj 25:16,17 Yawmsaub thov koj tig ndag lug hlub kuv lauj vem tas kuv nyob twm zeej twm kawv Iwj sab quas ntsuav hab qaug zug heev. 17 Thov koj tshem kuv tej kev ntxhuv sab tawm moog hab paab kuas kuv dim tej kws ua tsua kuv txhawj xeeb.**
- Ntawv Nkauj 32:7 Koj yog kuv lub chaw nkaum, koj yeej yuav paab kuas kuv dim tej kev txom nyem. Kuv seev suab hu nkauj qhuas qhov kws koj paab kuv dim kev puam tsuaj, vem koj yog tug kws tsom kwm kuv.**
- Ntawv Nkauj 32:11 Mej cov kws yog tuabneeg ncaaj nceeg, mej ca le zoo sab tsua tej kws Yawmsaub paab mej. Mej cov kws noog nwg lug ca le qw zoo sab xyiv faab.**
- Ntawv Nkauj 34:18 Yawmsaub nyob ze rawv cov tuabneeg kws poob sab nthaav, hab nwg cawm cov tuabneeg kws tsw muaj chaw vaam khom hov twg le lawm.**
- Ntawv Nkauj 40:3 Yawmsaub qha ib zaaj nkauj tshab tsua kuv hu, yog zaaj nkauj kws qhuas peb tug Vaajtsvv. Tuabneeg coob coob yuav pum tej kws Yawmsaub ua nuav, mas yuav ntshai hab yuav tso sab tsua Yawmsaub.**
- Ntawv Nkauj 42:8 Thov Yawmsaub naj nub ua tsua kuv pum nwg kev hlub tsw tseg tsw tu, mas mo ntuj kuv txha hu nkauj thov Vaajtsvv kws kaav rawv kuv.**
- Ntawv Nkauj 42:11 Ua caag kuv yuav nyob nluag quas nlob, ua caag kuv yuav**

txhawj xeeb ua luaj le. Kuv yuav tso sab plhuav tsua Vaajtsvw hab kuv yuav rov qhuas ntxhas nwg, nwg yog kuv tug Cawmseej hab yog kuv tug Vaajtsvw.

Ntawv Nkauj 50:15 Thaus mej raug kev txom nyem mej ca le thov kuv, kuv yuav paab kuas mej dim, hab mej yuav qhuas kuv.

Ntawv Nkauj 62:8 Kuv cov pejxeem, mej ca le tso sab tsua Vaajtsvw txhua lub swmhawm. Mej ca le pav mej tej kev txom nyem qha tsua nwg paub, vem nwg yog peb lub chaw cawm sav.

Ntawv Nkauj 73:26 Tej zag kuv lub sab hab kuv tug daag zug qaug quas zug lawm, kuas Vaajtsvw yog kuv tug daag tug zug. Nwg yeej yog yaam kws kuv xaav yuav moog ib txhws tsw txug yuav dua lwm yaam lawm.

Ntawv Nkauj 85:6 Thov koj pub kuas peb rov muaj zug dua mas peb cov kws yog koj haiv tuabneeg yuav qhuas koj.

Ntawv Nkauj 109:22 Kuv pluag tsw muaj noj, tu sab kawg le.

Ntawv Nkauj 112:7,8 Nwg tsw ntshai tej xuv tsw zoo, nwg ntseeg ruaj hab tso sab tsua Yawmsaub. 8 Nwg tsw txhawj tsw ntshai ib yaam daabtsw le, nwg yuav pum nwg cov yeeb ncuab swb hlo.

Ntawv Nkauj 119:111 Koj tej lug qhuab qha yog kuv peev nyaj txag moog ib txhws, hab ua tsua kuv zoo sab tuab yvv tsua nruab sab.

Ntawv Nkauj 147:3 - Yauj 5:18 Vaajtsvw ua tsua koj nqaj to, nwg yuav qhwv kcj lub qhov txhaab. Nwg txhais teg nplawm koj, nwg txhais teg yuav khu koj.

Taab Faab Zoo 1:13 Mas kuv muaj sab nrhav tswvyim hab tshuaj txhua yaam kws ua huv lub qaab ntuj nuav, mas pum tas Vaajtsvw muab lub nraa nyaav tsua tuabneeg rws.

Taab Faab Zoo 2:10 Tej yaam kws kuv xaav yuav kuv kuj yuav. Kuv xaav ua kev lom zem los kuv tsw tswj kuv lub sab le. Kuv khaav txug txhua yaam num kws kuv ua, mas tej nuav yog yaam kws muab pub ua tshaav ntuj tsua kuv xwb.

Taab Faab Zoo 2:22,23 Yug yuav tau daabtsw ntawm tej num kws yug swv swv zug fuas ua ntxhuv sab quas nyo hov. 23 Yug txuja nyob ntev le caag los xwj, txhua yaam kws yug ua tsuas yog coj kev txhawj xeeb kev ntxhuv sab lug tsua yug xwb. Txawm yog ib taag mo los yug lub sab tub tsw tau su le. Tej nuav kuj yog ib vuag dua hab xwb, tsw muaj qaabhau le.

Yaxaya 65:14 Puab yuav hu nkauj zoo sab, kuas mej suavdawg yuav quaj lwi sab quas ntsuav.

Yaxaya 66:13,14 Kuv yuav nplig mej lub sab huv Yeluxalee ib yaam le leej nam nplig nwg cov mivnyuas lub sab. 14 Thaus mej pum mas yuav zoo sab hab mej yuav muaj zug tau zoo nyob. Tes mej yuav paub tas kuv kws yog Yawmsaub paab tug kws noog kuv lug, huas chim tsua kuv cov yeeb ncuab.

Exekhee 36:26 Kuv yuav muab lub sab tshab tsua mej, kuv yuav muab mej

lub sab kws tawv le pob zeb rhu tawm huv mej lub cev, es pub lub sab noog lug tsua mej,

Yauhaa 14:1 Yexu has tsua cov thwjtum has tas, mej tsw xob txhawj. Mej yuav tsum tso sab tsua Vaajtsvv hab tso sab tsua kuv.

Yauhaa 14:27 Kuv pub kuv lub sab tug tug tsua mej mas mej txha muaj sab tug. Lub sab tug kws kuv pub tsw thooj le tej kws nyob huv nplajteb nuav pub. Mej tsw xob txhawj, tsw xob ntshai

Yauhaa 16:6 Kuv qha tej nuav tsua mej, mas mej ntxhuv sab kawg le.

Yauhaa 16:22 Nwgnuav mej ntxhuv sab ib yaam nkaus le tug quaspuj hov, kuas thaus kuv rov lug cuag mej, mej yuav zoo sab kawg nkaus le Tsw muaj leejetwg yuav txeeb tau mej txujkev zoo sab hov moog le.

Cov Tubkhai Teg Num 2:26 Tub yog vem le nuav kuv txha zoo sab, Hab tej lug kws kuv has, ua tsua suavdawg paub tas, kuv zoo sab. Txawm yog kuv yog tuabneeg nqaj tawv xwb los kuv tseem muaj vaam has tas, Vaajtsvv yuav paab kuv,

Cov Tubkhai Teg Num 2:46 Puab naj nub moog pe Vaajtsvv ua ke huv lub tuam tsev thov Vaajtsvv, hab puab moog noj Yexu rooj mov, hab noj mov ua ke huv puab tej tsev, txawm yog muaj ntau muaj tsawg los puab suavdawg zoo sab noj.

Loo 9:2 Kuv naj nub xaav txug kuv tsaav tuabneeg, mas kuv txhawj heev.

2 Kauleethau 1:10 Nwg paab peb dim txujkev tuag kws txaus ntshai kawg le. Nwg yeej yuav rov paab peb hab. Peb ca sab has tas, nwg tseem yuav paab peb lawm yaav tom hauv ntej hab,

2 Kauleethau 2:4 Thaus kuv sau tsaab ntawv hov tsua mej, kuv ntxhuv sab heev hab lug kuv kua muag kawg le. Kuv sau le ntawm tsw yog kuv yuav ua tsua mej ntxhuv sab, kuas kuv xaav kuas mej paub has tas, kuv hlub mej kawg nkaus le.

Efexau 5:19 Mej ib leeg yuav tsum qha ib leeg lawv le tej lug kws nyob huv Tavi phoo hu nkauj, tej zaaj nkauj qhuas Vaajtsvv hab tej zaaj nkauj kws cov ntseeg hu ua Vaajtsvv tsaug. Thaus mej hu tej zaaj nkauj ntawm mej yuav tsum ncu ntsoov Vaajtsvv tshaav ntuj.

Filipi 4:4 Me j yuav tsum naj nub zoo sab tsua qhov kws mej ntseeg Vaajtsvv lawm. Kuv rov has ib lus ntxwv tsua mej has tas, mej ca le zoo sab.

Yakaupau 5:13 Mej cov yog leejetwg raug kev txom nyem, tug ntawm yuav tsum thov Vaajtsvv. Yog leejetwg zoo sab, tug hov yuav tsum hu nkauj qhuas Vaajtsvv.